

《續修四庫全書》編纂委員會編

續修四庫全書

上海古籍出版社

六〇一・史部・地理類

讀史方輿紀要一百三十卷（卷二十二至卷二十九）

〔清〕顧祖禹撰……

讀史方輿紀要



南直四

淮安府

東至海岸二十里西至鳳陽府泗州府三百

里山東莒州五百九十里西北至山東沂州五百

四十里自府治至京師二千五百

里禹貢揚州之域春秋屬吳戰國屬楚秦屬九江

郡漢屬臨淮郡及廣陵郡後漢屬廣陵郡及

邳國三國魏為臨淮廣陵二郡地晉因之東晉

時建爲重鎮。熙中分廣陵立山陽郡。劉宋因

之。泰始中二橋立。兗州治淮陰縣。齊曰。北兗州亦爲

鎮。亦曰北兗州。梁因之。太清中沒於東魏。改置爲

又分置淮陰山陽郡。隋開皇置郡。廢曰。年改置楚州。治山陽

初州廢。改屬江都郡。唐武德四年置東楚州。八

年改爲楚州。天寶中曰淮陰郡。乾元初復故。五

代時升爲順化軍。舊之後唐長興三年升楚州。爲順化軍授吳越錢元珣爲

節度使。鎮明州。時楚州亦曰山陽。宋亦曰楚州。郡建矣。四

年置楚泗州。及連水。元爲淮安路。屬河南行

軍鎮撫等使。於此尋廢。

南宋末改淮安州

省明初改為淮安府直隸京師領州二縣九今仍

曰淮安府

府阻淮憑海控制山東春秋時夫差欲通中國

道出江淮即從事於此不曹丕謀吳舟師亦繇

此而南也其後南北有事輒倚為重鎮東晉初

以祖約劉琨相繼守此荀美曰

義永和中

淮陰

舊鎮地形都要水陸交通易以觀釁沃野有開

殖之資方舟有運漕之利是也太元三年苻秦

入寇襄陽六兖州刺史彭超曰願更遣重將以

淮南諸城為砦劫之勢東西並運舟陽不足平

也堅從之蓋發兵寇淮陰盱眙蓋淮陰去丹陽
四百里而近北對青泗則轉輸易通南出江岸
則風帆易達繇淮入江此其必爭之道矣梁沈
約曰山陽北接清泗臨淮守儉有平陽石鰲田
稻豐饒北魏高閭謂壽陽盱眙淮陰爲淮南之
本原豈不信哉唐李邕曰淮陰者江海通津淮
楚之巨防也其後楊吳復有淮南以山陽清口
爲門戶遂能挫朱溫之鋒及山陽入於後周而
南唐之烽火近在江濱矣宋人南遷以江淮立

國於是山陽之勢益重吳表臣曰山陽控扼之
地失之則無以屏蔽淮東徐宗傳曰山陽南北
必爭之地也我得之可以進取山東敵若得之
淮南不能以朝夕匡吳陳敏曰楚州南北噤喉
也長淮二千餘里河道通北方者凡五曰潁曰
蔡曰渦曰汴曰泗而通南方以入江者惟楚州
運河一處周世宗自北神堰鑿老鵲河通戰艦
入大江唐之淮南不可復保此前車也是故
世忠嘗保山陽以拒方張之寇

陳亮曰韓世忠
領兵八萬於山

三

陽如老熊之當道而淮東得
以安寢此守汴之要法也 劉錡議塞清口以

阻逆亮之師

紹興三十一年金亮南侵劉錡鎮楚州鑿敵舟沉清口敵之舟師不

能越也會淮西兵敗錡孤軍不能獨立又及蒙
病甚不能治軍乃引而南敵勢遂益張

古侵陵叛臣劉整亦勸其從事於清口桃源為

進取之計豈非地利不可或忽乎元董搏霄曰

淮南安北噤喉工浙衝要其地一失兩淮皆未

易保今歲漕數百萬咸取道於淮安哽咽或生

則京師有立稿之慮故特設重臣置屯軍以經

畧之然則南北安危所係豈不以淮安哉

山陽縣

附郭漢臨淮郡射陽縣地後漢屬廣陵郡

有山陽津而名宋齊及梁因之後魏亦為山陽

郡治隋廢郡尋為楚州治大業初屬江都郡唐

亦為楚州治宋因之紹定初升山陽縣為淮安

軍端平初又改為淮安州尋曰淮安縣德祐元

年元人於馬羅寨上山陽新城以通淮安明年

淮安陷仍曰淮安縣二年以淮安并入山陽

明因之編戶

一百有二里

○淮安城

即山陽舊城也沈約云義熙中始立山陽縣或曰城本東晉初所置太和四年

桓溫伐燕敗還收散卒屯於山陽即此城矣

自義熙以後皆為山陽郡治宋元嘉二十八

年魏主燾南寇至瓜步山陽太守蕭僧珍悉

飲其民入城蓄陂水令滿須魏人至決以灌

之魏人還王山陽不敢留而去梁太清中沒

於東魏陳大建五年吳明徹復取山陽尋沒

洪武二年置大河衛于城內

於後周自隋以後楚州皆治此五代周顯德四年周主以楚州克其月城是也宋太祖改山陽曰淮安元省志云今郡有三城曰舊城新城隣城舊城相傳即義熙故址南宋初復脩築之北使過此目為銀鑄城是也其北門曰閭門南門接曰宴花樓西門曰望雲城周十二里有奇新城在舊城北一里北辰鎮元所置山陽縣城也張士誠改築周七里有奇舊城之北新城之南有隙地前明嘉靖三十九年築為隣城今亦謂之夾城四門十二接為垣凡七千丈有奇

淮陰城府西北四十里秦縣楚漢間嘗為東陽淮陰侯是也尋屬臨淮郡後漢屬下邳國晉為廣陵郡治東晉時建為重鎮建興末祖逖渡江屯淮陰起治鑄兵募兵而前大興四年以劉隗為青州刺史鎮淮陰永和五年荀羨

鎮淮陰以地形都要屯兵無地乃營立城池
八年以荀顗監青州軍事鎮淮陰太元三年
苻秦將俱難等寇陷淮陰既而謝玄等進攻
帥舟師乘潮而上夜焚淮橋秦人敗遁淮橋
秦人作於淮上以渡兵者也十年謝玄鎮淮
陰明年以朱序代玄義熙五年以南燕廢寇
淮北詔并州刺史劉道憐鎮淮陰宋泰始三
年使行臺兼陰州事蕭道成鎮淮陰五年盡失淮
北地淮陰益為重鎮移兖州治焉七年謂之
北兖州齊建元初魏人南侵遣將拓跋嘉等
分道出淮陰及廣陵梁亦謂之北兖州後又
改置淮州及淮陰郡太清三年沒於東魏亦
曰淮州及淮陰郡而改淮陰縣曰淮恩後齊
因之陳大建五年伐齊淮陰降九年沒於後
周又改縣曰壽張橋置東平郡治焉隋開皇
初復改郡曰淮陰尋廢郡以縣為淮陰縣屬
楚州大業初州廢又併縣入山陽唐乾封二
年復析置淮陰縣仍屬楚州宋因之紹興五

年廢為鎮明年復故三十一年金亮南侵將自清口渡淮劉錡次於淮陰列兵運河岸以

遏之敵不敢進嘉定七年移縣於八里莊尋復舊治元至元二十年并入山陽

新城

在府西三十里宋咸淳五年置新城縣為控扼之處屬楚州元至元二十年省入山

陽今城東北有仁義二壩自城南引湖水北抵壩口城西北有禮智信三壩亦引湖水

西北抵壩口每遇清江口淤塞運船從東二壩入淮官民商船經西三壩入淮所謂淮安

五壩也永樂十三年陳瑄所置

韓信城

府西十里相傳韓信受封時所築元至正十六年張士誠遣兵攻淮安褚不華

與劉甲拒守甲別將兵守韓信城與淮安城相犄角寇不能隔會甲奉檄別往擊賊淮南

孤危遂為士誠所破又有韓王庄在淮陰故城西北信家宅皆在焉○甘羅城在淮陰故

城北一里相傳甘羅所築故淮陰亦兼甘羅之稱運道攷甘羅城東有天妃祠祠東北為天妃口永樂初陳瑄置新庄闌於此為入淮之口後移於三里溝在甘羅城東南謂之通濟閘萬曆六年又移闌於甘羅城南西接淮口即今之運道

倉城

在府城東南寰宇記山陽東南有故倉城與郡城相接隋文帝將伐陳因舊城脩築

儲積餘百萬石大業末恒有陳穀亂後荒廢志云今府東南六十里有倉城○拓塘城在府西南四十里有三城約圍一里許水經其西相傳煬帝幸江都聚糧處也又有劉王城在府東南十里運河西岸相傳吳王濞所築又有西遼城在府治東二里相傳唐太宗征遼時徵兵屯此因名

○鉢池山

府西北四十里以形似名岡阜盤旋凡三四里今堤此以禦河惠又有金牛洞

在府西北十里五代
周世宗嘗宿兵於此

○淮水

在城北五里自泗州龜山北麓東流稍折而北至清河縣南黃河來會焉又東北流

至城北復東流九十里經安東縣城南又東北流入海天下之大川莫過於河而淮又與之合兩漕同流奔騰盤曲郡適當其衝故水患常多而形勝亦萃焉今詳見大川河淮及

川漕
異同

清江浦

在府城西北城外達於淮凡六十里舊為沙河一名烏沙河宋志楚州北有山

陽灣淮流迅急每致沉溺雍熙中漕臣劉端議開沙河避淮水之險喬維岳繼之自楚州

至淮陰開導凡六十里舟行便利其後淤塞

前明永樂中平江伯陳瑄脩治運河故老言城西管家湖西北至鴨陳口僅二十里與清河口相值宜鑿為渠引湖水入淮以便漕運

瑄從之乃鑿清江浦引水繇管家湖入鴨陳
口達淮繇管家湖築堤亘十里以便引舟其
入淮之處設河口壩新左關以時啟閉自新
左關而東因其高卑遙爲福興清江移風等
關至府南淮陰驛而合於清河復慮北河溢
漲南侵漕河於是隄北河南岸長四十里以
防之又慮南河溢漲北侵漕河於是築漕河
南高家堰一帶長二十六里以防之漕河只
許糧船及進奉船入口五日一放旋過旋塞
設官監督其大小官民船艦悉繇五壩車盤
以達外河無敢闌入者於是運道通行無阻
後稍廢弛至隆慶四年淮決高家堰清口淤
塞糧道艱阻五年漕臣王宗沐於府西南築
高家堰隄北自武家墩經大小澗至阜寧湖
計三十餘里以捍淮之東侵又於府之北境
堤新城起清江浦經鉢池山至柳浦灣凡六
十餘里以捍河之南溢萬曆五年漕臣吳桂
芳等脩新莊等關增築清江浦南堤以禦湖

七

卷三

水加北岸以禦黃淮又蘇板閘漕堤南連舊堤北接新堤六年河中潘季馴復經理之而

運河復為安流浦旁有倉以備積儲為轉輸之利即今常盈倉也

山陽清

在府城東古邗溝也其入淮處謂之末口春秋哀九年吳城邗溝通江淮杜氏

曰於邗江築城穿溝東北通射陽湖西北至末口入淮以通糧道是也國語夫差使王孫

苟告勞於周曰余沿江沂淮闕溝深水出於商魯之間吳越春秋吳將伐齊自廣陵闕江

通淮即此清矣歷秦漢至南北朝道出江淮必繇此清隋開皇七年將伐陳於揚州開山

陽瀆以通漕大業元年以邗溝水道屈曲發民潘治自山陽至揚子入江渠廣四十步舊

自府城東南郭又西北流至城北達於淮唐宋以來運道皆繇此

繇郡西徑達於淮自府南六十里平河橋南抵瓜儀則瀆河舊道也今皆隄湖墜渠置閘